

Verð á 44 örkum er 3 kr., erlendis 3 kr. 50 au. Borgist fyrir 1. ágúst. Uppsögn ógild, nema komin sje til útgefanda 1. október.

STEFNIR.

Auglýsingar kosta eina krónu hver þumlungur dálks á fyrstu síðu, annars staðar í blaðinu 75 auru. Smáauglýsingar borgist fyrirfram.

Tíundi árgangur.

22. blað.

AKUREYRI, 23. júní.

1902.

Útbú landsbankans á Akureyri

er opið hvern virkan dag frá kl. 1½ til kl. 2½ e. m. Verður þar ásamt öðrum störfum tekið á móti sparissjóðsinnlögum gegn 4% ársvöxtum. Einnfremur tekur útbúið fje til geymslu á hlaupareikning, og borgar vexti af því eptir samkomulagi.

Akureyri, 18. júní 1902.

Stjórn útbúsins.

Biðjið ætíð um

OTTO MONSTEDS

danska smjörliki,

sem er alveg eins notadrjúgt og bragðgott og smjör.

Verksmiðjan er hin elzta og stærsta í Danmörku, og býr til ófæð hina beztu vöru og ódýrustu í samanburði við gæðin.

Fæst hjá kaupmönnum.

Útbú landsbankans.

Með „Vesta síðast kom hingað til Akureyrar herra Sighvatur Bjarnason banka-bókhaldari, til þess að koma á stofn hinu fyrirhugaða útbúi, og setja inn í embætti sín þá Júlíus Sigurðsson amtmannsskrifara og Stephán Stephensen umbodsmann, sem hafa á hendi aðalstörfin á búinu. Gæzlu-stjóri við það er skipaður kaupmaður Friðrik Kristjánsson. Eins og áður hefir verið getið um í Stefni, byrjar búnið með 100,000 krónum, auk þess fjár, sem inn í það kann að verða lagt með sparissjóðskjörum og í hlaupareikning. Allmerkur atburður mun það verða talinn fyrir Akureyri og næstu hjerudin, að útbú þetta er sett á stofn, því þótt stofnfje þess sje eigi meira en þetta, ætti það á ýmsan hátt að geta greitt úr viðskiptum manna hjer, og gjört þau ljettari, bæði innlend og útlend, svo og haft nægilegt fje til bráðabyrgðarlána fyrst um sinn, en stofnun þessi mun einkum eiga að ljetta undir með bráðabyrgðarlán; með vedlán upp á lengri tíma er mönnum líklega ætlað að leita til veddeildarinnar í Reykjavík. Ráðgjört er að sparissjóður Nordur-antsins hætti að taka á móti fje með sparissjóðskjörum, og er ætlast til, að útbúið taki við því starfi.

Oss þykir við eiga, að taka upp í Stefni reglugjörð útbúsins og viðauka við hana.

REGLUGJÖRD

fyrir útbú Landsbankans á Akureyri.

1. gr. Samkvæmt lögum um stofnun landsbanka 18. sept. 1885, 9. gr. er sett á stofn útbú frá Landsbankanum í kaupstaðnum

Akureyri. Starfsvið þess skal vera Nordlendingafjórðungur. — 2. gr. Stjórn og framkvæmd á störfum útbúsins hafa á hendi 2 menn, sem stjórn Landsbankans skipar með 6 mánaða uppsagnarfresti, og eru þeir bókarari og fjehirðir útbúsins. Hún ákveður, hvor þeirra skuli jafnframt vera framkvæmdarstjóri. Undirskript þeirra beggja þarf til þess að skuldbinda útbúið. Hún skipar og, með 6 mánaða uppsagnarfresti, eptirlitsmann, er skal hafa nákvæmt eptirlit með öllum störfum, bóku og reikningsfierslu útbúsins; stjórn þess skal hafa hann í ráðum með sjer, þegar um vandasöm mál eða stórar lánveitingar er að ræða. Honum ber að sannreyna, að minnsta kosti einu sinni á hverjum ársfjórðungi, að sjóður útbúsins og öll verðskjöl þess sjeu fyrir hendi. — 3. gr. Stjórn landsbankans er yfirstjórn útbúsins og gefur hún starfsmönnum þess nákvæmar starfsreglur, sem þeim skal skylt að fara eptir í öllum greinum. Skal stjórn útbúsins láta stjórn Landsbankans í tje, eða manni, sem hún kann að setja fyrir sína hönd, allar þær skýrslur og upplýsingar, rekstri útbúsins viðkomandi, er heimtaðar verða. — 4. gr. Allan kostnað við rekstur útbúsins greiðir Landsbankinn og tekur einnig tekjur þær, sem útbúið fær. — 5. gr. Stjórn útbúsins ákveður með samþykki stjórnar Landsbankans vinnutíma þess, og skal annast um, að almenningi verði birt, hvenær það er opið til afgreiðslu; skulu þá bókarari og fjehirðir jafnan vera báðir viðstaddir. — 6. gr. Útbúið skal hafa tvær peningahirzlar. Aðalhirzlan skal vera svo gjör, að henni verði ekki lokið upp

Beztu „sport“ að fiska!

Agæt silungastöng með öllu tilheyrandi fæst hjá Baldv. Jónssyni á Akureyri. *

nema með tveim lykklum, sem ekki eru eins. Hefir bókarari annan lykklinn að henni, en fjehirðir hinn. Þegar eitthvað er tekið út úr aðalhirzlanu skal rita það í bók og fjehirðir kvitta fyrir, en bókarari kvitta fyrir, þá er í hana er látið. — 7. gr. Fjehirði skal fengin önnur fjárhirzla, er hann geymir í það fje, sem hann hefir til daglegra parfa útbúsins, og hefir hann einn lykla að henni. Að jafnaði skal eigi geyma í henni meira fje en 5000 kr. — 8. gr. Öll áriðandi skjöl og bækur skal bókarari láta inn í eldtryggða skápa, þegar störfum er lokið dag hvern. — 9. gr. Bókarari og fjehirðir útkljá í sameiningu þau mál, sem varða útbúið; greini þá á, skal eptirlitsmaðurinn kvaddur til, og ræður þá úrslitum atkvæði framkvæmdarstjóra, ef eptirlitsmaður veitir því samþykki sitt. En þá skal þegar tilkynna stjórn Landsbankans úrslitin og málavexti. — 10. gr. Starfsmenn útbúsins skulu vinna stjórn Landsbankans eia að því, að þeir með árvekni og samvirkusemi skuli gegna störfum þeim, sem þeim eru falin, og ekki gjöra neinum óviðkomandi kunnugt um málefni útbúsins, nje segja frá viðskiptum einstakra manna við það. — 11. gr. Útbúið veitir bráðabirgðalán gegn trygging í fasteign með fyrsta vedrjetti; þó má í einstökum tilfellum veita lán gegn öðrum vedrjetti, ef sjerstakar ástæður mæla með því, þó svo að lánsupphæðin með fyrsta og öðrum vedrjetti til samans fari eigi fram úr helmingi virðingarverðs. — 12. gr. Til þess að geta fengið lán úr útbúinu gegn fasteignarveði þurfa öll hin sömu skjöl og skilríki, sem tilgreind eru í 12. gr. endurskodaðrar reglugjörðar fyrir Landsbankann, 8. apríl 1894. — 13. gr. Útbúið lánar fje gegn sjálfskularábyrgð tveggja eða fleiri manna, er stjórn þess álitur fulluægjandi; þó skal leita samþykkis stjórnar landsbankans, þegar um stórlán er að ræða. — 14. gr. Útbúið lánar fje gegn handveði, svo sem arðberandi verðbrjefum og öðrum slíkum verðskjölum, er stjórn þess tekur gild. Veita má og lán gegn vátryggðum verslunarvörum, sem eru geymdar undir lús og innsigli útbúsins. — 15. gr. Útbúið veitir lán gegn ábyrgð sveita- og bæjarfjelaga, þegar þau skilríki eru fyrir hendi, sem tekin eru fram í 15. gr. endurskodaðrar reglug. Landsbankans, þó skal stjórn Landsbankans í hvert sinn hafa veitt samþykki til lánveitingarinnar. — 16. gr.